



A termina e curso cu exito
**CINCO POLIS CU CURSO
INTENSIVO NA MIAMI DI
COMMUNITY POLICING**



WWW.SOLODIPUEBLO.COM




SOLODIPUEBLO@GMAIL.COM

**PUEBLO TA WAK CON
MINISTER GERLIEN TA
SCONDE INFORMACION DI
SU BIAHE DEN AVION PRIVA
NO SCUCHA SU PALABRA, MIRA
SU ACTONAN**



**CASTIGO DI 4 AÑA DI PRISON PA
HOMBER CU A ABUSA DI MUCHA MUHER
MENOR DI EDAD**

**MINISTERIO PUBLICO TA
CONFIRMA SU ABUSO Y
MANIPULACION CU INFORMACION**



Parlamentario Xiomara Maduro:

**BIBLIOTECA NACIONAL TA CONTA
AWO CU UN COLECCION SPECIAL DI E
ESCRITOR ALBERT HELMAN**

A termina e curso cu exito

CINCO POLIS CU CURSO INTENSIVO NA MIAMI DI COMMUNITY POLICING



Oranjestad
Recientemente cinco polis di bario a sigui un curso basta intensivo na Miami dade na Florida.

ARUBA:
E curso a existi hopi di cada un di nan, ademas di nan trabao diario nan mester a combine cu nan estudio. Nan mester a haci investigacion como



tambe sigui lesnan y haci e parti examen practico. Esaki ta e parti di e plan strategico y e vision pa cu e Community Policing. Esaki kiermen cu Polis lo

ta mas cerca di e comunidad como tambe hunto cu e networkspartners. Cada un colega a termina e curso cu exito, masha pabien!

OTORGAMIENTO DI PERMISO GENERAL SOLAMENTE PA GAITA, AGUINALDO Y DANDE

Santa Cruz, ARUBA:
Manera ta tradicion di tur aña, Alto Comisario di Polis sr. Ramon Arnhem, ta convoca un permiso general pa presentacion di gruponan di Gaita, Folklore, Aguinaldo y Dande dilanti negoshinan riba nos isla. E permiso aki ta vigente cuminsando for di dia 15 di November 2025 te cu dia 31 di December 2025.

Contacto: E permiso general aki ta mara na e condicionnan manera prome cu cualkier grupo por haci uzo di e permiso otorga den e convocacion aki, e persona encarga cu e grupo mester

tuma contacto cu e seccion di Planologia y Informacion di Cuerpo Policial durante oranan di oficina. For di 7'or di mainta te 3'or di atardi y nan number di telefon ta 281-3121. Durante fin di siman por tuma contacto cu departamento di Planologia y Informacion via di Central di Polis na number di telefon 100. E personanan en cuestion lo controla si e lug

Reglanan: Gruponan di Gaita, Folklore, Aguinaldo y Dande por haci nan

presentacion te cu 10'or di anochi.

No mag stroba ni trece trafico den peliger bou di ningun circunstancia. No mag laga sushi of cualkier desperdicio atras riba caminda publico despues di e presentacion. No mag toca den vecindario di misa durante sirbishi, hospital, casnan di anciano of otro instituto cu ta duna cuida medico, ni den vecindario di stacionnan di gasolin.

Recordatorio: E permiso aki ta conta specialmente pa Gaita, Folklore, Aguinaldo y Dande. E permiso aki NO



ta conta pa un banda, conhunto of agrupacion musical. Durante control Polis mira cu un banda of agrupacion musical ta tocando cu no ta gaita of dande lo para e evento cu concecuencia cu por haya un multa. Banda of agrupacion musical mester busca un permiso general.

Cuerpo Policial ta subraya cu mester obedece tur ordo di Polis relaciona cu Orden Publico y Polis ta autorisa pa para e evento na momento cu Orden publico ta rekeri esaki of na momento cu constata cu a viola cualkier di e condicionnan aki.

Parlamentario Xiomara Maduro:

PUEBLO TA WAK CON MINISTER GERLIEN TA SCONDE INFORMACION DI SU BIAHE DEN AVION PRIVA NO SCUCHA SU PALABRA, MIRA SU ACTONAN

Normalmente tur minister ta haci nan biahe di trabou via avion comercial y si ta algo urgente por pasa cu Gobierno ta charter un avion. Poco dia pasa Pueblo por a mira un transmision en bibo riba Facebook unda Minister Gerlien Croes ta anuncia cu e ta biahando pa Corsou pa topa e team di futbol di Corsou cu a sali victorioso. Cuestionabel ta cu e biahe di Gerlien no tabata den un avion comercial, sino den un avion priva.

Gerlien ta actua contra bon gobernacion

Como cu ta contra regla di bon gobernacion pa ministernan haci biahe den avion priva, parlamentarionan di oposicion

a cuestiona y a pidi mas claridad di Minister Gerlien Croes riba e biaha aki. Despues di varios critica, porfin e mandatario di partido FUTURO a manda documentacion pa ful Parlamento haya sa mas detayes di su biahe pa Corsou.

Gerlien taconde informacion pa Parlamento

Ora di repasa e informacion a bira bisto, cu Minister Gerlien NO a manda TUR informacion. Ela manda un "breakdown" di gastonan y nan factura como prueba, pero ningun caminda a splica riba e motibo y e gastonan relaciona cu su biahe den avion priva, manera Pueblo por a mira



den e transmision en bibo.

Gerlien no por presenta prueba

Ya ta basta dia caba cu oposicion a cuestiona e mandatario di FUTURO aki y te ainda nada cu Minister Gerlien ta sali publica prueba pa Pueblo mira ta pakico ela bay Corsou den avion priva, cuanto e biahe cu avion priva a costa y ken a paga e gasto di e avion priva. Door cu e mandatario ta keda sin haci esaki, e ta crea e pensamiento den Pueblo cu locual ela haci ta robes sea contra ley, contra regla di bon gobernacion of ta contra regla di integridad.

No scucha Gerlien su palabra, mira su actonan

Ta e mesun Minister Gerlien

Croes cu largo bay ta papia riba transparencia, awe ta demostra Pueblo cu e no ta nada transparente, ya cu e no tin fin di muestra prueba di su biahe den avion priva. Anto cu e manera di actua aki boso ta kere cu Gerlien ta un mandatario y persona integro?



Clasificados

SOLODIPUEBLO@GMAIL.COM

CEL.585 9500



Noticiadi Corte

CASTIGO DI 4 AÑA DI PRISON PA HOMBER CU A ABUSA DI MUCHA MUHER MENOR DI EDAD

ORANJESTAD – Awe mainta Hues di Corte den Promer Instancia a dicta sentencia den e caso penal cu Ministerio Publico a cuminsa contra e homber R. (35), kende ta wordo acusa di a abusa di un mucha muher menor di edad.

SOLO DI PUEBLO por a compronde cu Hues a bisa cu e ta haya R. culpabel di a abusa di e mucha Z. (12). Hues a condena R. na 4 aña di prison.

ABUSO DI MENOR DI EDAD

Dia 7 November 2025, tratamiento di e caso a tuma lugar caminda Fiscal a acusa R., cu entre Juní 2024 y December 2024 a forza e mucha muher Z. (12) tene relacion sexual. Tambe R. ta wordo acusa di a haci actonan inmorale cu e mucha.

Hues a puntra R. si ta berdad cu e tabatin relacion sexual cu e mucha Z. Segun R., e no tabatin relacion sexual cu e mucha. Hues a mostra cu Z. a declara na Polis cu e tabatin relacion sexual cu R. NFI di Hulanda a haci investigacion ariba muestranan cu Polis a manda y a haya muestra DNA riba paña di Z. y e chens ta grandi cu ta R. Tambe a haya muestra di sperma riba otro pañanan. Hues a remarca cu si R. ta bisa cu e no tabatin relacion

sexual cu Z., con a haya sperma di R. riba paña di Z.

R. a bisa Hues cu el a topa cu Z. tabata yora. Z. a bis'e cu el a wordo maltrata y R. a bay consol'e. Segun R., el a papia cu Z. y na dado momento el a braza Z. y e lo a muha Z. su paña. R. a bisa cu e ta sinti berguena pa esey. Hues a bisa cu Z. a declara cu e tabatin un dicusion na cas y a sali for di cas y bay sinta banda di un piscina. R. a bay papia cun'e y Z. a bay sinta riba R. su scochi. Na dado momento R. a sinti ireccion y Z. a sinti esey.

Segun declaracion di Z. na Polis, den un otro camber di e complex, R. a tene relacion sexual cun'e. R. a bisa Hues cu el a bay haci trabao pa e doño di e complex y ora el a caba el a bay cas. E ta desmenti di tabatin relacion sexual cu Z. Hues a mostra cu segun Z., R. a pidi'e pa sinta riba su scochi. R. a nenga esaki. R. ta para riba cu e no tabatin relacion sexual cu Z. El a bisa Hues cu e no ta e tipo di persona cu ta bay forza hende pa tin relacion sexual. Hues a bisa cu Z. a declara cu R. a bis'e pa bras'e y no tin miedo. R. a nenga esaki tambe. Hues a bisa cu remarcabel ta cu Z. mes ta declara cu el a pone su mes disponibel pa R. Hues a mostra cu ta e mama D. a haci denuncia cu Z. a bis'e cu R. tabatin relacion sexual cune. Tambe Hues a bisa cu Z. a conta esaki na un amiga na school y e amiga aki a bay bisa e trahador social.

CASTIGO DI 4 AÑA DI PRISON

Fiscal a bisa Hues cu den e caso aki ta bisiña a abusa di Z.(12). Fiscal ta haya cu den e caso aki e declaracion di Z. ta confiabel y tin suficiente prueba di sosten. Na opinion di Fiscal, Z. a duna un declaracion hopi detaya con tur cos a sosode. Fiscal a mostra cu Z. a declara cu 3 biaha e tabatin relacion sexual cu R. Fiscal a existi 4 aña di prison pa R.

Awe mainta Hues a dicta sentencia y a bisa cu e ta haya cu e declaracion di e mucha muher Z. ta confiabel. Na opinion di Hues, Z. su declaracion a keda confirma cu investigacion cu Polis a haci. Hues a bisa cu e no ta kere R. cu R. no tabatin relacion sexual cu Z. Hues a sigui bisa cu e mucha Z. tambe a bisa cu tabatin violencia.

Hues ta haya legalmente proba, violacion y actonan inmorale cu un mucha bou di 16 aña durante 2 biaha. Hues a confirma exigencia di Fiscal y a condena J.R. na 4 aña di prison.

Pa loko ta e demanda di daño di parti di e mama di Z. di 10 mil florin, Hues a aproba e demanda pero a calcula esaki na 8 mil florin.





HALA ROSEA LIBREMENTE

Cu introduccion di e ley aki DVG y Gobierno ta trata na reduci e risico pa malesanan cronico cu es cu ta huma por desaroya, como tambe proteha e 'second-hand smoker' y preveni e hoben di cuminsa huma na un edad iona.

ACCIDENTE MORTAL NA SAVANETA

Corte den Prome Instancia a trata ayera e caso penal contra e sospechoso J.K.F., kende ta wordo acusa di a causa un accidente di trafico riba prome di december 2023 na Savaneta, cu consecuencia mortal. Despues di e accidente el a huy sigui core; e no tabatin rijbewijs tampoco. Un pareha di turista cu a caba di yega Aruba a resulta gravemente herida. Un di e victimanan (75 aña di edad) a fayece e dia siguiente di e heridanan cu el a sufri.

E sospechoso a declara cu e tabata core un tiki mas cu 80 kilometer pa ora riba un caminda unda e velocidad maximo permiti ta di 60 kilometer pa ora.

Tabata anochi scur y e tabata core cu bentana getint preto preto (cu 6% transparencia envez di e minimo di 70% cu ta permiti).

Fiscal di Husticia a compara esaki cu core cu wowo mara! E sospechoso ni tin rijbewijs, anto pa colmo el a yega di wordo persigui penalmente mas biaha den pasado pa core sin rijbewijs.

E pregunta huridico den e caso ta:

- e accidente a sucede directamente a consecuencia di e erornan cu J.K.F. a comete den trafico?

- of e lo por a sucede cu cualkier otro chofer cu si tabata core cu cuidao?

E hechonan y circunstancianan na e sitio di e accidente ta importante ora di contesta e pregunta aki. No ta suficientemente duidelijk con y na cua momento e pareha a crusa caminda. Door di esey no por bisa cu seguridad cu e accidente mortal ta a consecuencia di e comportacion peligroso di

e sospechoso. Ministerio Publico ta conclui cu no tin bastante evidencia pa comproba homicidio culposo.

Ministerio Publico ta haya cu ta si comproba cu e sospechoso a core peligrosamente. Ademas ta acus'e di a core sin rijbewijs y di a bandona e sitio di e accidente.

Ministerio Publico ta tuma e sospechoso na malo cu el a comete tanto eror den trafico, mas aun cu el a yega di wordo condena caba pa core sin rijbewijs den pasado. Core sin rijbewijs ta forma un peligro grandi pa seguridad den trafico. Ministerio Publico ta tum'e hopi na malo tambe cu el a huy for e sitio di accidente y a laga e personanan pa nan cuenta. Famia di e fayecido tin cu sigui biba cu e perdida di nan ser stima.

Hues a dicta sentencia mes ora den



e caso. El a condena J.K.F. pa un castigo di prison di 10 siman, di cual ocho siman ta condicional, cu un tempo di prueba di tres aña, y 80 ora di trabao pa comunidad y un prohibicion di core auto pa un duracion di 2 aña, pa causa peligro, core sin rijbewijs y bandona sitio di un accidente. E sospechoso a wordo declara liber pa homicidio culposo. Hues a dicidi cu J.F.K. lo no haya su auto bek.

BLACK FRIDAY

Pasa y keda sorprendi!

electro ★

📍 Avenida Milio Croes 41 ☎ (+297) 280-0222

EUGENE DUBERO TA EMPLEADO SUPERIOR DI ARUBA BANK

Oranjestad – 28 di november 2025 - Eugene Dubero ta empleado superior di Aruba Bank pa luna di oktober 2025.

Un empleado cu ta demostra dedicacion y iniciativa, logrando asina e reconocimiento aki.

E compromiso di Eugene pa semper brinda un experiencia superior na cliente interno di Aruba Bank ta refleha e balornan principal di e banco.

Su dedicacion y manera proactivo di traha ta crea un impacto positivo.

Den su tempo liber, Eugene gusta admira arte, specialmente e obra iconico di Mondriaan, cu ta duna inspiracion y apreciacion pa color y estructura.

Pabien, Eugene pa ta un empleado cu ta representa e bon cultura di servicio di Aruba Bank.



1 GANADO DI 1.000 FLORIN TUR DIA GARANTISA! CACHI CACHI CHRISTMAS EDITION 2025

Oranjestad, Aruba- 29 di november 2025: Cachi Cachi Christmas Edition ta bek! Cumprando e weganan di: Catochi, Big 4, Zodiac, Lucky 3, Wega di Number Korsou, 1-OFF y Multi-X awo den temporada di fin di aña bo ta participa automaticamente den e promocion di Cachi Cachi. Cu e promocion di Cachi Cachi, tur dia lo bay saca 1 feliz ganador garantisa di Afl. 1.000,-!

Cu cada compra di 1 florin di e weganan participante, pa sorteo di merdia of anochi, bo ta ricibi 1 set di 6 number gratis! Cu cada set di number cu bo ricibi, bo ta den wega pa por gana e Cachi Cachi di 1.000,- florin; esaki ta un premio adicional fuera di e chens

di gana bo premionan cu Catochi, Big 4, Zodiac, 1-OFF, Lucky 3, Wega di Number Korsou y Multi-X. Mas bo compra mas set di number di Cachi Cachi bo ta ricibi y mas chens bo tin pa gana e premio di Cachi Cachi! E set di nummernan di Cachi Cachi ariba e ticket di e dia ey ta participa den e sorteo di e mesun dia.

Multi-Draw:

Si bo compra e opcion di Multi-Draw pa mas sorteo, e nummernan di Cachi Cachi ta hunga solamente ariba e dia cu a compra e Multi-Draw. Por ehempel, si bo a compra Multi-Draw pa hunga awe, mañan y otro-mañan, tur e setnan di number di Cachi Cachi ta conta solamente pa e sorteo cu ta hunga e dia cu bo a compra e Multi-Draw.




Cumpra bo weganan preferi sea Catochi, Big 4, Zodiac, 1-OFF, Lucky 3, Wega di Number Korsou y Multi-X pa sea merdia of anochi, desde dialuna awo 1 di december, pasobra e campaña di Cachi Cachi ta valido pa luna di december. E ultimo dia di Cachi Cachi ta dia 31 di december 2025. E number ganado lo wordo anuncia durante e sorteo di Lotto cu ta cuminsa 7:45

PM di anochi y diadomingo pa 2:00 PM, via Telearuba, Canal 13, live streaming ariba nos pagina di Facebook y YouTube.

E nummernan ganado lo wordo saca por medio di un Sorteo Anima. Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X,

Lotto di Dia, Lotto 5, Mini Mega cu su Mega Plus y e diferente weganan di Raspa y Gana y Instacash. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Parlamentario Xiomara Maduro: **BIBLIOTECA NACIONAL TA CONTA AWO CU UN COLECCION SPECIAL DI E ESCRITOR ALBERT HELMAN**



Den un dushi ambiente di musica di Suriname, Biblioteca Nacional di Aruba ta ricibi un regalo special den forma di un coleccion priva di e escritor sr. Lou Lichtveld, miho conoci como Albert Helman. Conoci pa su

bukinan manera, "De Stille Plantage" y "Amor ontdekt Aruba." E ultimo menciona, ta un buki cu sr. Lou a skirbi riba peticion di sr. Henny Eman (welo) cu tabata tin e deseo pa Helman skirbi "algo apart" riba Aruba. Di e manera



aki ta nace e buki "Amor ontdekt Aruba" cu ta haci nos Pais conoci tambe atraves di literatura. E pareha sr. Henri y sra. Ida Does, kendenan tabata amistad di sr. Lou Lichtveld na Aruba, a haya e tarea pa regala e coleccion di buki di Albert Helman na Biblioteca Nacional di Aruba, despues cu e fayece. Un deseo y gesto bunita cu 29 aña despues di Lou su fayecimento na 1996, ta keda cumpli.

E anochi a conta cu discursonan di sra. Astrid Britten directora di Biblioteca Nacional, sr. Henri y sra. Ida Does, sr. Wim Rutgers y Minister President Eman. E coleccion a wordo simbolicamente entrega door di sr. Henri y sra. Ida Does na MinPres Eman, cu a pasa esaki na directora di Biblioteca Nacional sra. Astrid Britten, cu na su turno a entrega esaki na sr. Renwick Heronimo di Departamento

Arubiana-Caribiana di Biblioteca Nacional.

Parlamentario Xiomara Maduro tabata presente pa gradici sr. Henri y sra. Ida Does, y felicita Biblioteca Nacional pa e bunita regalo. "Tabata un anochi hopi interesante na unda di cada discurso nos por a conoce un tiki mas di sr. Lou Lichtveld como escritor Albert Helman y como un Surnameo cu multiple talento," Maduro a expresa.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO




E TRIBON CABES DI MARTIU TA RIBA E LISTA DI PROTECCION DI NOS LEYNAN LOCAL

ORANJESTAD – Directie Natuur en Milieu (DNM) ta informa tocante e tribon cabes di martiu cu ta un especie protegi pa ley.

E tribon cabes di martiu ta haya su nomber pa via di e forma di su cabes. Su nomber científico ta *Sphyrna mokarran* y na Ingles conoci pa e Great hammerhead, e ta e especie di tribon mas grandi den e famia Sphyrnidae. Ta hay'e den lama rond mundo, den awanan tropical den e region ecuatorial. E forma di su cabes yama 'cephalofoil' ta hanco y e parti dilanti ta casi stret den forma di e letter T, cu su wowonan ta peilo afo cada banda. Su boca localisa bou su cabes tin 17 rij di djente triangular n'e parti ariba di su cacumbein. E ta replasa su djentenan cada 8 dia. Algun sorto di tribon ta gasta 30.000 djente den nan bida. E sorto aki por biba 30 aña y e peso maximo registra ta rond di 450 kilo. Su tamaño ta varia entre 4.6 meter y 6.2 meter y su color ta shinishi scur of bruin y bou di su curpa ta blanco.

E especie femenino ta bira mas grandi cu e machonan. E ta un pisca predador solitario y landado fuerte, cu ta alimenta su mes cu otro pisca, secat, kreeft, otro sort'i tribon mas chikito y su faborito ta chucho (sting rays). E embra ta pari yiunan cada dos aña, nan por haya entre 13 y 42 yiu cu ta nace bibo (viviparous). E yiunan ta nace entre 50 y 70 centimeter cada un.



Aunke e ta potencialmente peligroso, e tribon cabes di martiu no ta ataca hende y tin biaha e por comporta su mes curioso rond di buceadonan. E tribon aki ta hopi gara y ta popular riba e mercado Chines como ingrediente principal pa sop'i tribon. Asina ta resulta cu e poblacion di e tribon cabes di martiu ta baha den cantidad rond mundo. Union Internacional pa Conservacion di Naturalesa (IUCN) a consider'e como criticamente na peliger desde 2019. Na Aruba tambe nos ta haya nan den lama y p'esey ta pidi piscadonan pa eherce cautela. E presencia di tribonnan ta indicacion di un condicion saludabel di e ecosistema marino.



Otmar Oduber

MINISTERIO PUBLICO TA CONFIRMA SU ABUSO Y MANIPULACION CU INFORMACION

Ex Minister y Ex Parlamentario señor Otmar Oduber a tuma nota di e ultimo comunicado di prensa di Ministerio Publico e siman aki y no por a keda sin reacciona y desenmascara e manipulacion y abuso di poder cu e instituto aki a eherce durante mas di 5 aña y ta sigui eherce. Claramente ta muestra directamente kico ta e meta di Ministerio Publico den investigacionnan cu ta wordo haci.

COMUNICADO DI PRENSA DI OM

Den su ultimo comunicado di Dialuna ultimo, Ministerio Publico ta mal informa y insinua un cantidad cos cu tin como meta pa sea scapa nan cara of mal informa comunidad, un practica cu a bira basta comun ultimamente den varios caso.

Den e comunicado aki nan ta cuminsa na bisa "Den e caso GRANDI aki.....", mal informando of contradiciendo e propio veredicto di Hues den Prome Instancia cu a confirma textualmente "In het voordeel van de verdachte houdt het gerecht rekening met het tijdsverloop, de enorme publiciteit dat de zaak met zich mee heeft gebracht, en dat de zaak door de openbare ministerie AANVANKELIJK ZWAARDER is gepresenteerd dan uiteindelijk is aangebracht". Aki por mira claramente cu ministerio publico ta manipula cu e veredicto y mal informa comunidad. Tambe den e comunicado di prensa aki nan ta bisa cu "Pa ALGUN hecho.....el a worde declara liber", manipulando e realidad di e sentencia di Prome Instancia cu ta como lo siguiente: Breakdown vonnis GEA strafzaak Otmar ODUBER

Feit 1: ZD Malmok: oplichting (artikel 2:305 jo. 1:123 WvSR)

Primair voltoid: vrijspraak

Subsidiar poging: veroordeeld

Feit 2: ZD Spookambtenaren: oplichting (artikel 2:305 jo. 1:123 WvSR)

Voltoid Tiel: veroordeeld

Voltoid Phillips: veroordeeld

Voltoid Geerman: vrijspraak

Feit 3: ZD Spookambtenaren, passieve omkoping (artikel 2:350/351 jo. 1:123 WvSR)

Voltoid Tiel: vrijspraak

Voltoid Geerman: vrijspraak

Feit 4: ZD Esser, passieve omkoping (artikel 2:350/351 jo. 1:123 WvSR)

Voltoid JO Rustveld (DOW): vrijspraak

Voltoid RE Vermeulen (Serlimar): vrijspraak

Voltoid RJ Croes (Serlimar): vrijspraak

Voltoid AA Werner (Serlimar): vrijspraak

Voltoid NF Richardson (Serlimar): vrijspraak

Voltoid C de la Cruz (Serlimar): vrijspraak

Voltoid F Maduro (Serlimar): vrijspraak

Voltoid G German (Serlimar): vrijspraak

Feit 5: Misbruik van functie (artikel 2:354 WvSR)

ZD Malmok

Voltoid: veroordeeld

ZD Spookambtenaren

Voltoid Tiel: vrijspraak

Voltoid Geerman: vrijspraak

ZD Esser

Voltoid RI Croes Wever (DIP): vrijspraak

Voltoid HPEJ Maduro (DIP): vrijspraak

Voltoid JM Roga (DIP): vrijspraak

Voltoid GN Werleman (DIP): vrijspraak

Voltoid RA Diddier (directeur Serlimar): vrijspraak

Voltoid NF Richardson (Serlimar): vrijspraak

Voltoid RE Vermeulen (Serlimar): vrijspraak

Voltoid AA Wernet (Serlimar): vrijspraak

Voltoid RJ Croes (Serlimar): vrijspraak

Voltoid G Geerman (Serlimar): vrijspraak

Voltoid C de la Cruz (Serlimar): vrijspraak

Voltoid F Maduro (Serlimar): vrijspraak

Voltoid JO Rustfeld (DOW): vrijspraak

Un total di 27 Vrijspraak y 4 veroordeeld cu lo atende manera debe ser siguiientemente pa comproba cu a actua semper segun ley y proceduran cu te dia di awe ta igula y na vigor keto bai. Esaki ta pa muestra cu hechos y veredictonan den man cu e intencion di Ministerio Publico ta uno subjetivo y di malisia. E caso aki no solamente a causa dña emocional, financiero y social na e ex Ministro y Parlamentario, pero tambe na otro 17 personanan cu a worde lastra den e



proceso, costando e pueblo pagado di belasting miyones den un persecucion di casi 6 aña largo. Finalmente Oduber a sigura cu su persona ta sigi confia den nos sistema hudicial pero no por bisa mescos di nos Ministerio Publico, mientras ta respeta e fundeshi di nos Trias Politica. Na final di e episodio aki un hende of mas lo mester worde poni responsabel pa e abusanon aki.--

Lia Tromp

Cel: 6417160

News Editor, Proofreading and corrections

Clasificados

SOLODIPUEBLO@GMAIL.COM

CEL.585 9500

Parlamentario Jennifer Arends-Reyes:

Vacaturanan den sector publico mester di personanan cualifica



ORANJESTAD (27 di november 2025) - Durante e tratamento di presupuesto 2026 di diferente entidad, Parlamentario di AVP y lider di fraccion, Sra. Jennifer Arends-Reyes, a tuma nota di un preocupacion serio: e scarsedad continuo di personal cualifica den e sector publico, particularmente den e instancianan conoci como Hoog Colleges van Staat – e Algemene Rekenkamer, Raad van Advies y Parlamento mes.

Segun Sra. Arends-Reyes, hopi di e vacaturanan den e institucionnan crucial aki ta keda habri pa un periodo largo. Esaki ta trata di posiconnan cu ta rekeri un nivel halto di capacidad, experiencia y profesionalismo, cu no solamente ta importante, pero absolutamente esencial pa garantiza un estado democratico fuerte y transparente. “Nos ta papia di organismonan cu tin un rol crucial den e

funcionamento di un democracia saludabel, transparencia financiero y bon gobernacion. Sin personal suficiente y prepara, esey ta compromete e independencia y e eficiencia di nan trabou,” segun e parlamentario. Den e cuadro di e preocupacion aki, Sra. Arends-Reyes ta urgi gobierno pa duna prioridad inmediato na un plan di fortalecimiento laboral pa sector publico. E puntonan principal ta inclui:


- Atrae y retene talento local y di e region;
 - Inverti den formacion y capacitacion di empleadonan publico;
 - Modernisa e proceso di reclutamiento pa yega mas eficazmente na e profesionalnan cu Aruba mester pa un funcionamiento optimo di su democracia.
- Sra. Arends-Reyes enfatisa cu e problema no ta solamente un reto financiero of presupuestario, sino un cu ta afecta directamente

e fundeshi di nos sistema democratico. “Nos no por sigui laga e institucionan di mas importante pa control y asesoramiento keda sin suficiente personal.

Esaki no ta solamente un asunto di presupuesto, sino di garantia di nos democracia y bienestar di e pais,” Arends-Reyes a conclui. E lider di fraccion a

reafirma tambe cu durante tur tratamento di presupuesto venidero, e lo sigui pone enfasis riba e tema crucial aki, pa asina stimula un accion concreto.

CROSSWORD WORD SEARCH PUZZLE



PROME MINISTER EMAN A KEDA IMPRESIONA CU E PLANNAN PA DESAROYO DI WILHELMINASTRAAT



Diahuebs atardi, Prome Minister mr. Mike Eman, hunto cu Minister di Economia mr. Geoffrey Wever y Minister di Vivienda drs. Rene Herd , a ricibi un presentacion di un grupo di arkitekto local, relaciona cu e plan pa revitalisa Wilhelminastraat y becindario. Cuatro arkitekto local

bon ekipa cu experiencia amplio, a presenta nan plan den cual a trece dilanti e posibilidadnan pa capitalisa riba e pensamiento di e revitalisacion di caya grandi, specialmente riba e pensamiento di Gobierno pa locual ta trata Wilhelminastraat y otro cayanan cu ta conecta cu Wilhelminastraat.

Durante e presentacion, e arkitectonan a presenta diferente concepto hopi interesante cu a capta atencion di Prome Minister Eman. E conceptonan aki ta poni den contexto cu Caya Grandi di con e caya ta bira un solo nivel, y e arkitectonan aki a pone accento riba e parti aki. Ta papia aki di e uzo di otro material den e area

cu no ta asfalt, pero tambe e inclusion di hopi mata den e desaroyo nobo aki. Cada presentacion tabata mara na un tema cu mester carga e renobacion di Wilhelminastraat pero tambe e cayanan cu ta conecta cu esaki. No ta trata aki solamente di elementonan nobo, sino mantencion di e historia y cultura di Aruba. "E ta interesante pa mira con pensativo e companianan aki ta, con nan a conecta ideanan di renobacion y innovacion

na temanan cu ta conecta na historia di nos centro di ciudad", Prome Minister a indica. Adem s Prome Minister Eman a subraya cu nos tin talento local pa yuda carga e vision di Gobierno pa por renoba no unicamente centro di ciudad, pero tambe e barionan. E ideanan aki por hunga un rol importante pero tambe pa por cuminsa marca e siguiente pasonan cu mester tuma pa duna inicio na e cambio grandi aki.

DIOS TA PROHIBI TUR RELACION SEXUAL PAFOR DI SACRAMENTO DI MATRIMONIO

E diabel ta purba cambia e moda di biba di hende, den e relacion sexual prohibi. E mundo por cambia, pero e palabranan di Dios nunca no ta cambia. Gobiernonan di mundo por pasa leyman cu ta contra di e palabranan di Dios, pero Dios ta bisa den Bijbel, Bijbel Malakias 3: 6 : "Ami Senjor, Mi no ta cambia." Bosonan no sa, cu tur relacionnan sexual pafo di e Sacramento di Matrimonio, ta un relacion sexual prohibi pa fiero. Den e di 9 Mandamento di Dios ta bisa: " Lo bo no comete e pika di fornicacion, fornicacion ta e relacion sexual prohibi pa Dios, esta : Na esnan cu ta biba companja, na esnan cu ta casa pa Raad so, e prostitutanan y na e libertinahe sexualnan di tur clase. Bijbel 1 Corinthionan 6: 18 ta bisa: "Abstene boso di relacion sexualnan prohibi. Tur otro pika cu hende ta comete, ta tuma lugar pafo di su curpa. Ma esnan cu ta haci relacion sexualnan prohibi, ta peka contra di su mes curpa." Bijbel 1 Corinthionan 7: 2 ta bisa: "Ma, si ta pa e tentacion di haci relacion sexual pafo di matrimonio, anto ta mihor cu cada homber tin su mes esposa y cada muher tin su mes esposo." Bijbel Hebreonan 13: 4 ta bisa: "Tur hende mester respeta matrimonio den

tur aspectonan y mantene e fieldad den e relacionnan entre esposo y esposa. Dios ta castiga na esnan cu tin relacionnan sexual prohibi y na esnan cu ta comete adulterio." Bijbel 1 Tessalonicensenan 4: 2 – 5 ta bisa: "Boso conoce e instruccionnan cu nos a dunaboso riba autoridad di Senjor Hesus. E boluntad di Dios ta, pa boso bira santonan y pa boso no tin relacionnan sexual pafo di matrimonio. Cu cada uno sabi di busca un esposa den santidad y respet, sin laga e mal deseonan desvia boso, manera sa haci den e pueblonan cu no conoce Dios." Bijbel Colonsensenan 3: 5 y 6 ta bisa: "P'esey, mata tur loke ta keda di e mundo aki den boso, esta : Inmoralidad sexual, impuresa, mal pasion, mal deseonan y avaricia cu ta igual na idolatria. Pa motibo di e pikanan asina, Dios ta rabia y ta castiga na esnan cu no ta obedecel'E." Bijbel 1 Corinthionan 6 : 19 y 20 ta bisa: "Bosonan sabi esey, cu boso curpa ta tempel di Spirito Santo, kende ta biba den boso, kende boso a ricibi di Dios. Boso no ta di boso mes, boso ta cumpra y e prijs ta paga. Glorifica Dios anto den boso curpa." Bijbel 1 Corinthionan 6 : 9 y 10 ta bisa : "Boso no sabi, cu e inhustonan lo no drenta den e Reino di Dios?



No ganja boso mes, na esnan den relacion sexual prohibi, na e sirbidornan di diosnan falso, na esnan den adulterio, na e homosexualnan di tur clase, na e ladronnan, na e alcoholiconan, na e blasfemadornan, na esnan golos pa plaka, na e abusadornan, ningun di nan lo no tin parti den e Reino di Dios." Relacion sexual mester sosode solamente den e casamento den Sacramento di Matrimonio pa Dios, pa bo por ta salba. Bijbel Marko 10 : 6-9 ta bisa : "Ma na principio tempo di creacion, Dios a crea nan homber y muher. P'esey e homber lo bandona su tata y su mama, pa e uni cu su muher y e dosnan aki lo bira un solo curpa. P'esey, loke cu Dios a uni, hende no ta permiti di separa." Esaki ta e Sacramento di Matrimonio den Misa, na unda Dios ta uni e pareha den un solo curpa, pa medio di un sacerdote. Den e Sacramento di Matrimonio aki, Dios ta uni e pareha den nan bida sexual y den e un solo curpa aki, e muher no ta

donjo di su mes curpa mas, sino su esposo, tambe e homber no ta donjo di su mes curpa mas, sino su senjora, lesa Bijbel 1 Corinthionan 7 : 4, loke Dios ta bisa di e pareha casa: "No ta e muher ta donjo di su mes curpa, sino su esposo. Tampoko no ta e homber ta donjo di su mes curpa, ma su senjora." P'esey e pareha ta keda casa te na morto y Dios

no ta reconoce divorcio, pasobra e matrimonio ta un pacto di union di Dios e ta. Si e pareha a divorcia toch, anto nan mester laga e caminda habri y no mete cu ningun otro hende den nan bida. Pasobra e pika di adulterio, ta un caminda pa fiero despues di morto.

Seferino Tromp

Clasificados

CLASSIFIEDS

SOLODIPUEBLO@GMAIL.COM
CEL. 585 9500

Paga bo cuenta online ta facil

Sea
Abonnement
of Aviso

Pago online, facil y lihe

Pa hasi pago online pone number y adres na cuenta di banco RBC Sunmax Printing
account # 7700000100152447

MINISTER HERDÉ Y ARKITECONAN HULANDES DEN UN ANOCHI DI PLANIFICACION DI TERENO



su conocimiento di construcion di barionan na Europa.

Den su presentacion el a muestra diferente modelo di barionan cu el a diseña na Hulanda y un modelo specialmente cu ela diseña pa Aruba.

Minister Herdè a menciona cu e encuentro aki ta solamente e comienso di e proceso pa involucra tur hende cu por y kier yuda pa logra resolve e problematica grandi di vivienda. Mester cuminsa e proceso di identifica tur e elementonan pa por diseña un modelo Arubano.

E meta ta pa yega na un acuerdo pa hunto carga responsabilidad, comparti conocimiento y experiencia.

Hunto mester inverti den e proceso aki y tuma riesgonan pa logra traha casnan pagabel y sostenibel pa Aruba. E proceso no solamente ta encera traha casnan y bario nobo, pero alabes busca un forma pa por renoba barionan existente.

Nos mester identifica ken ta doñonan di tur e casnan decai (verval) y cu ta bayendo perdi pa p.e. uza e terenonan aki pa traha casnan nobo.

Minister Herdè a menciona cu e proceso lo ta largo, amplio y lo tarda,



pero hunto nos mester yega un madurez pa uni y resolve e problematica di vivienda no obstante nos color politico. Mester sinta hunto na mesa y scucha bon kico e necesidadnan ta y ta abierto na visionnan nobo.

Tin profesionalnan hoben cu a regresa Aruba despues di logra nan estudio cu

kier cuminsa un famia, tin pensionadonan cu ta biba den un cas demasiado grandi y kier bay biba mas chikito.

E meta ta pa por diferencia cada ken nan necesidad y traha casnan pa pueblo basa riba nan necesidadnan. Si logra esaki, el o bira algo grandi pa Aruba.



Den cuadro di su maneho pa cu su cartera di Vivienda y Infraestructura, Minister, drs. Rene Herdè dialuna ultimo a organisa un anochi di informacion na MFA Noord.

Minister Herdè for di momento cu ela asumi e encargo di Vivienda y Infraestructura a cuminsa compila tur informacion y hunto cu su Infra Team a sinta pa traha den forma eficiente y structura, riba posibel solucionan riba retonan di Vivienda y

infraestructura di nos pais. Pa por tin un miho bista e ta organisa encuentro cu personanan clave den e area aki pa asina forma un grupo importante pa yuda mehora e calidad di bida di nos comunidad.

Durante e presentacion di "Landschap gestuurde gebiedsontwikkeling" tawata tin varios ingeniero, arkitecto, inversionista, desaroyado, expertonan y habitantenan di diferente bario presente. Prof. Paul van Beek a comparti





Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado: Sorteo di Merdia 🎡 - November 28, 2025

 Sorteo # 4817 3224 5214 4000  X2  BIG 4 Sorteo # 4817 2133  X2  OFF Sorteo # 2873 1130  ZODIAC Sorteo # 4817 6665 Libra  LUCKY 3 Sorteo # 1691 356  X FP	<table> <tr> <td>  </td> <td></td> </tr> <tr> <td>Sorteo #</td> <td>Joker Letter</td> </tr> <tr> <td>0 x Jackpot</td> <td>Proximo Jackpot</td> </tr> <tr> <td>0 x Match 4+</td> <td>360.000,-</td> </tr> <tr> <td>0 x Match 4</td> <td></td> </tr> <tr> <td>0 x All 12,00</td> <td></td> </tr> </table> <table> <tr> <td>  </td> <td></td> </tr> <tr> <td>Sorteo #</td> <td>Proximo Jackpot</td> </tr> <tr> <td>0 x Jackpot</td> <td>50.000,-</td> </tr> <tr> <td>0 x Match 4</td> <td></td> </tr> <tr> <td>0 x All 8,00</td> <td></td> </tr> </table>			Sorteo #	Joker Letter	0 x Jackpot	Proximo Jackpot	0 x Match 4+	360.000,-	0 x Match 4		0 x All 12,00				Sorteo #	Proximo Jackpot	0 x Jackpot	50.000,-	0 x Match 4		0 x All 8,00	
																							
Sorteo #	Joker Letter																						
0 x Jackpot	Proximo Jackpot																						
0 x Match 4+	360.000,-																						
0 x Match 4																							
0 x All 12,00																							
																							
Sorteo #	Proximo Jackpot																						
0 x Jackpot	50.000,-																						
0 x Match 4																							
0 x All 8,00																							
 <table> <tr> <td>Sorteo #</td> <td>Mega Ball</td> </tr> <tr> <td>0 x Jackpot</td> <td>Proximo Jackpot</td> </tr> <tr> <td>0 x match 4</td> <td>280.000,-</td> </tr> <tr> <td>0 x All 500,00</td> <td></td> </tr> <tr> <td>0 x All 50,00</td> <td></td> </tr> <tr> <td>0 x All 15,00</td> <td></td> </tr> </table>  Afl. 380.000,-	Sorteo #	Mega Ball	0 x Jackpot	Proximo Jackpot	0 x match 4	280.000,-	0 x All 500,00		0 x All 50,00		0 x All 15,00		<table> <tr> <td>  </td> <td></td> </tr> <tr> <td>Sorteo #</td> <td></td> </tr> <tr> <td></td> <td></td> </tr> <tr> <td></td> <td></td> </tr> <tr> <td></td> <td></td> </tr> </table> 			Sorteo #							
Sorteo #	Mega Ball																						
0 x Jackpot	Proximo Jackpot																						
0 x match 4	280.000,-																						
0 x All 500,00																							
0 x All 50,00																							
0 x All 15,00																							
																							
Sorteo #																							

FORTALEZA PA FAMIA

Scirbi pa Pastor Marcel Balootje.

TA TEMPO PA CAMBIA BO BISTI

Aunke hopi hende no ta kere pero bo forma di bisti ta indentifica bo, e por gañabo, e por duna otro hende un impresion negativo di bo. pasobra bistimento semper mester keda den un forma decente, cu ta representa bo personalidad cu seriedad. Dunando gloria na nos Creador.

Laga nos pone e cos cla manera e mester ta: Ora un Hoben/Hobencita ta cana indecente bisti ta su Mayornan mester dune educacion tocante bistimento, y no dune solamente placa pa cumpra paña pero tambe siñe kico ta adecuado pa bisti, como yiu di hende drechi y decente..

Si un muher ta cana hunto cu un homber y e ta indecente bisti, por nifica cu e homber no ta balora locual cu e tin, pasobra ningun caminda bo no ta haña diamanta riba tera, of e muher no ta somete na e homber, of nan ta kere mas den moda cu den Dios, etc.

Tambe tin awor e show di tattoo, pasobra un tattoo no ta wordo poni na un hende su curpa pa e wordo scondi, pasobra ta placa tira afo, awor tin hopi hende ta pone tattoo na lugarnan priva y despues ta expone e parti priva ey di nan curpa pa tur hende por mira nan tattoo. Y nan ta haci esaki concientemente, locual ta indica e deseo di exposicion. Asina e enemigo ta tuma control.

Cordea tene cuenta cu nos



curpa ta e tempel di Dios y e Spirito di Dios ta biba den dje.(1Corintionan 6 :19+20)

Nos por haci hopi cambio na e parti exterior di nos curpa, pero e parti interior ta solamente Dios por cambie, y mas awor cu henter mundo por realisa cuanto balor mente y curazon di hende tin, y con e enemigo ta ataca e mente y e curazon constantemente pa asina cohe e dominio riba e bida.

Tene bon cuenta cu e siguiente advertencia y recomendacion.;

Efesionan 4:22-24 ta bisa:

Pa encuan to boso manera di biba di antes, boso pone un banda e hende bieu cu ta wordo corumpi conforme e pasionnan engañoso.

Y pa boso wordo renoba den e spirito di boso mente, y pa boso bisti e hende nobo, cu ta wordo crea segun Dios den husticia y santidad berdadero.

Romanos 13:13+14 ta bisa: Laga nos comporta nos mes decentemente manera den dia, no den parandiamiento y den buracheria, no den inmoralidad sexual y den sensualidad, no den pleito y envidia. Ma bisti boso cu Señor Hesus Cristo, y no haci provision pa e

carni, pa cumpli cu su mal deseonan.

Colosensenan 3 vers 8-12 ta bisa: Ma awor boso mester pone un banda, rabia, furia, malisia, calumnia, y palabra sushi for di boso boca.

No gaña otro, como boso a pone un banda e hende bieu cu su practicanan malbaldo.

Y bisti e hende nobo cu ta wordo renoba cu un conocimiento berdadero segun e imagen di Esun cu a crea, cual ta Dios.

Asina manera esnan cu a wordo scohi di Dios, santo

y stima, bisti un curason di compasion, cariño, humildad, mansedumbre y pasenshi.

Dios ta traha paden di nos cu Su Spirito Santo, y asina nos por expresa Su boluntad den nos bida.

Tur cambio, cual ta hiba na desencia y ordo den nos bida spiritual y fisico ta cuminsa paden, pasobra manera un hende ta pensa asina e ta.

Asina nos pensamiento y nos curason wordo renoba nos bida ta cambia, pero nos mester habri nos curason pa Cristo Hesus tuma control, y asina conoce Su boluntad perfecto.

Familia

D H E R M A N A D X N Z W R K
B J R O H Y O O P M M C M L C
D N S A M A Z N W D K O Z Z B
F O L Q A P U A Q Z F Q S Q N
R A P V M J D M U J W O M W E
G A M C A G A R X R M Z E P M
P L U I M O T E I I U P B V X
C E I A L V K H R I K X A S K
Z U L T A I J P N P Q A P P D
I B H I O P A F L K O J E O A
F A M A N F E A Z V I W Z N T
Q L S W W S R I R Q K O J R I
A E X M R J R T O S C I I I H
H H Z A G T T D L W P V A T V
D K Y W H G A B U E L O Z N Q

ABUELA
ABUELO
FAMILIA
HERMANA
HERMANO
MAMA
PAPA
PRIMOS
TIA
TIO

SUDOKU

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

			8		1			
						4	3	
5								
				7		8		
						1		
	2			3				
6							7	5
		3	4					
			2			6		

Oracion di dia

Un feliz dia yena di hopi fe y speransa den nos bon Dios

"...sino conta e generacion venidero: esta gloria di Señor, su poder, ye cosnan milagroso c'El a haci." (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. "...pa nan tambe confia denSEÑOR, no lubida Dios su obranan grandi..."(Sal 78, 7)

Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di
Bo Maraviya.
Y inspira nan pa nan sigui conta na e siguiente generacion.
Amen.

Parokia di Noord cu Misa & Encuentro Hubenil dia 29 di november

Tur luna un parokia cu tin grupo di Pastoral Hubenil ta organisa un SS di Misa Hubenil & Encuentro Hubenil, segun palabracion cu arsobispo. E luna aki ta toca turno na Parokia Santa Anna y esaki ta tuma luga diasabra 29 di november. SS di Misa ta 7 pm, sigui pa Encuentro cu nos hobennan 8:30 - 11:00 pm riba e Plenchi den cura di Pastorie di Noord banda pabou. Cu esaki Youth Ministry Aruba hunto cu Pastoral Hubenil Noord (PHN) ta invita tur hoben pa bin



pasa un rato gezellig, pa nos ... "Ban cana cu nos Santonan".

Clasificados

SOLODIPUEBLO@GMAIL.COM
CEL.585 9500

SOLO Di Pueblo

UN BITTER DI MAS...

FOR STROBA BO DI YEGA CAS.

E DECISION TA DEN BO MAN

#AMICODIY

BAN CANA CU NOS SANTONAN!

JOIN NOS

YOUTH MINISTRY ARUBA &
Diasabra: 29 di nov.
Noord: Parokia St Anna
Luga: Cura di Pastorie
SS di Misa: 7.00 pm
Encuentro: 8.30 - 11 pm